

UNIVERZITET U NOVOM PAZARU

Senat Univerziteta

Broj:1818/24/VI-3

Novi Pazar, 19.12.2024. godine

PRAVILNIK O MJERAMA ZA POVEĆANJE VIDLJIVOSTI I PRISUTNOSTI UNIVERZITETA U NOVOM PAZARU NA INTERNETU

Član 1.

Pravilnik o mjerama za povećanje vidljivosti i prisutnosti Univerziteta u Novom Pazaru na internetu (u daljem tekstu: Pravilnik) ima za cilj povećanje vidljivosti i prisutnost Univerziteta u Novom Pazaru (u daljem tekstu: Univerzitet) na internetu putem zvaničnog domena Univerziteta: "uninp.edu.rs".

Član 2.

Imena za internet servise organizacionih jedinica Univerziteta definišu se unutar domena "uninp.edu.rs".

Član 3.

Organizaciona jedinica Univerziteta obavezna je da ima veb prezentaciju/e unutar akademskog domena "uninp.edu.rs".

Organizaciona jedinica Univerziteta predlaže strukturu i sadržaj svoje veb prezentacije, ali je pri tome dužna da na svojoj prezentaciji obezbijedi obavezne elemente kao što su: · naziv

"Univerzitet u Novom Pazaru" ispred naziva institucije; · grb Univerziteta sa linkom na zvaničnu veb prezentaciju Univerziteta <http://www.uninp.edu.rs/>

Nakon odobrenja sadržaja veb prezentacije organizacione jedinice Univerziteta od strane glavnog i odgovornog urednika, organizacija jedinica je odgovorna za tačnost i ažurnost informacija objavljenih na svojoj veb prezentaciji.

Član 4.

Prilikom službene korespondencije svi, koji imaju zasnovan radni odnos u organizacionoj jedinici Univerziteta, su obavezni da koriste službenu e-mail-adresu koja mora biti imenovana direktno u okviru "uninp.edu.rs" domena.

Posebno, prilikom publikovanja naučnih i stručnih radova, ispred naziva organizacione jedinice treba da navedu Univerzitet u Novom Pazaru kao i svoju službenu e-mail-adresu.

U cilju promocije naučnih rezultata sa Univerziteta, svaki nastavnik i asistent na univerzitetu bi trebao imati profil na poznatim servisima koji promoviraju naučni rad, poput:

- obavezno: *Google akademik* (scholar.google.com);
- opciono: *academia* (www.academia.edu);
- opciono: *ResearchGate* (www.researchgate.net).

Član4a.

Nakon prestanka radnog odnosa zaposlenog na Univerzitetu u Novom Pazaru, zaposleni se obavještava da će njegova mejl adresa sa domenom "uninp.edu.rs" biti deaktivirana i ostavlja mu se primjeren rok za preuzimanje podataka, nakon čega se vrši deaktivacija mejl adrese.

Član 5.

Organizacione jedinice koje imaju redovne publikacije u vidu časopisa ili zbornika, dužni su da imaju veb prezentaciju unutar domena "uninp.edu.rs". Redovne publikacije univerziteta (časopisi, zbornici i sl.) treba postaviti u PDF formatu u odgovarajućoj sekciji stranice Univerziteta.

Član 6.

Poželjno je da veb prezentacija posjeduje linkove ka partnerima institucije, ali i obrnuto, da partneri posjeduju link ka instituciji. Partnerske linkove je potrebno održavati ažurnim.

Član 7.

Veb prezentacija treba da ima verziju na bosanskom jeziku i na engleskom jeziku, pri čemu engleska verzija ne mora sadržati iste informacije kao i verzije na bosanskom, već samo one od značaja za inostrane korisnike. Poželjno je da bar najvažniji dijelovi veb prezentacije budu i na drugim vodećim stranim jezicima ukoliko za to postoje resursi.

Član 8.

Preporučuje se obogaćivanje sadržaja medijskim datotekama kao što su: video zapisi, galerije slika i sl. Preporučuje se otvaranje stranica na veb prezentaciji za svaku organizacionu jedinicu i pojedince (centar, katedru, predmet, nastavnika i saradnika, studenta itd.). Poželjno je održavati podatke o publikacijama i elektronskim biltenima. Poželjno je imati arhive vijesti, aktuelnosti, i različite izvještaje. Treba sprovesti SEO (*Search Engine Optimisation*) veb prezentacije.

Član 9.

Za realizaciju ove odluke zadužuje se Rektor Univerziteta.

Član 10.

Pravilnik stupa na snagu danom donošenja na Senatu Univerziteta.